

enim, verbi gratiâ, in Logicâ generali ponis hoc præceptum; *definitionis partes sunt, terminus convenientiæ & differentia, seu genus & differentia; & addis hoc exemplum, Peccatum est actio à νόμος, contra legem*: non statim scis quomodo sit utendum definitione si velis explicare, demonstrare, vel amplificare. Manet ergo quod modò diximus, exempla servire explicationi præceptorum, applicationem minimè monstrare.

Satis de præcognitis Logicis, in quibus naturam & studium hujus artis explicatè tradidimus: nunc ipsorum instrumentorum explicationem aggrediemur, primò dicturi de termino.

Cap. 2. Thematibus communes affectiones.

Vocabulum
termini explicatum.

Terminus est instrumentum noëticum materiam ad bene disserendi propositam regens.

Aptissimum est vocabulum hoc *terminus* ad naturam sequentium instrumentorum, quæ sub se habet, tanquam genus suas species, declarandam. Propriè significat limitem, qui agrum ab agro dividit, & per translationem pro quovis fine accipitur. Cum igitur instrumenta Logica alia sint materialia magis, alia formalia, quorum illa sic dicuntur, quia materiam disertationis gubernant; ista, quòd formam ejus dirigant; rectissimè materialia illa instrumenta vocantur termini; quia terminant disertationem, hoc est, certos fines circumscribunt, extra quos inter disserendum non liceat vagari. Tales termini sunt thema & argumentum. Nihil enim aliud præter hæc duo in quavis disertatione juxta Logica præcepta institutâ occurrit.

Terminus est thema, vel argumentum.

Trichotomia Logices an possit consistere?

Sufficiencia hujus divisionis patet è modò dictis. Hic obiter notandum, nos minimè repudiare sententiam illorum, qui trichotomiam Logices generalis proponunt, ita ut prima pars illis dirigat primam mentis operationem in apprehensione terminorum simplicium; secunda, compositionem & divisionem